


2. júní 2016

Suðurland

KYNNINGARBLAÐ Sveitarfélagið Hornafjörður | Límtré Vírnet | Bláskógarbyggð | LAVA-Eldfjalla- og jarðskjálftamiðstöð Íslands | Hveragerðisbær | Íslandshótel | Midgard Adventure |



MYNDIR/ JÓHANN WAAGE




Hvað er um að vera á Suðurlandi?

www.south.is
#southiceland



Markaðsstofa Suðurlands



Lifandi sjávarþorp og góð þjónusta

Sveitarfélagið Hornafjörður er blómstrandi samfélag við rætur Vatnajökuls og í sjávarþorpinu Höfn er að finna hátt þjónustustig fyrir gesti og gangandi. Þangað geta þeir sem sækja Vatnajökulspjóðgarð og aðrir sótt fjölbreytta þjónustu.

Sveitarfélagið liggur við rætur Vatnajökuls og teygir sig frá Lómagnúpi í vestri að Hvalsnesi í austri. Þar að finna fjölmargar perlur á við Skaftafell, Jökulsárlón og Lónsöræfi en á Höfn sem er eina þéttbýlið á svæðinu er að finna alla nauðsynlega þjónustu ásamt ýmskonar afþreyingu. „Við erum með glæsilega sundlaug og æðislegan golfvöll með fallegri jöklasýn. Þá er hér mikið af spennandi veitingastöðum og fjölbreyttir gistingualeikar,“ segir Árdís Erna Halldórsdóttir, atvinnu- og ferðamálafulltrúi hjá Sveitarfélaginu Hornafirði.



Árdís Erna Halldórsdóttir, atvinnu- og ferðamálafulltrúi

Hún segir Höfn vera lifandi sjávarþorp. „Niðri á bryggju er verið að landa fiski daginn út og inn sem gaman er að fylgjast með. Þá er hægt að velja um nokkra gamla sem nýja veitingastaði sem bjóða upp á ferskt sjávarfang og aðrar afurðir úr nærsveitum. Humarinn er þar fremstur í flokki og hefur hann löngum verið okkar aðalsmerki. Þá erum við með flotta hornfirsku hönnuði

og handverksfólk og heimamarkaðsbúð sem gaman er að heim-sækja,“ segir Árdís.

Mikið af göngufólki sækir í Vatnajökulspjóðgarð enda margar fallegar gönguleiðir þar að finna.

Að sögn Árdísar hefur göngufólk-ið um fjölbreytta gistingualeika að velja, allt frá tjaldstæðum yfir í gistiheimili og hótél. Á það bæði við á Höfn sem og í dreifbýlinu þar sem víða er rekin öflug ferðaþjónusta.

Á svæðinu er sömuleiðis mikið af ferðaþjónustuaðilum sem bjóða fjölbreyttar ferðir allt árið. „Yfir sumartímamann er t.d. boðið upp á jöklaferðir og kajakferðir á jökullóni en á veturna íshella- og norðurljósaferðir.“

Síðustu helgina í júní ár hvert er Húmarhátíðin haldin hátíðleg en það er að sögn Árdísar fjölskyldu-væn bæjarhátíð. Heimamenn bjóða upp á humarsúpu í heima-húsum á föstudeginum og svo er efnt til ýmiss konar útiskemmtana yfir helgina. Þegar líða tekur á sumarið fer árleg flugeldasýning á Jökulsárlóni fram en hún verður haldin laugardaginn 13. ágúst í ár.

Allar nánari upplýsingar um svæðið er að finna á heimasíðunni www.visitvatnajokull.is.



Á Höfn er að sögn Árdísar frábær golfvöllur með fallega jöklasýn.



Sveitarfélagið liggur við rætur Vatnajökuls og þar er að finna fjölmargar náttúru-perlur.

Skemmtileg afþreying og útivera

Öll fjölskyldan getur notið þess að vera saman í fallegri náttúru í ratleik Rangárbings eystra sem verður í gangi í allt sumar. Leikurinn gengur út að ganga nokkrar skemmtilegar og þægilegar gönguleiðir innan sveitarfélagsins og verður í gangi í allt sumar.

Ratleikur Rangárbings eystra er skemmtilegur leikur sem allir í fjölskyldunni geta tekið þátt í. Ratleikurinn gengur út á að ganga tíu ákveðnar gönguleiðir innan sveitarfélagsins. Í upphafi leiksins fá allir þátttakendur klippikort sem þeir hafa með sér þegar lagt er af stað í gönguferðina. Á hverri gönguleið er flagg, merking eða mynd með gatara á. Þátttakendur gata svo klippikortið sem þeir eru með og klára gönguna.

„Íþrótt- og æskulýðsfulltrúinn okkar, Ólafur Örn Oddsson, var búinn að ganga með þá hugmynd í maganum í tvö ár að gera einhvers konar leik. Hreyfivika UMFÍ í fyrra gekk svo vel hérna að við ákváðum þá að kýla á það að gera útivistarratleik þannig að öll fjölskyldan gæti komið saman og gert eitthvað skemmtilegt,“ útskýrir Árný Lára Karvelsdóttir, markaðs- og kynningarfulltrúa sveitarfélagsins, spurð að því hvaðan hugmyndin að ratleiknum komi.

Um er að ræða tíu skemmtilegar og þægilegar gönguleiðir sem flestir ættu að ráða við. Hver leið er ekki nema einn til þrjár kílómetrar að lengd. Þegar allar leiðirnar tíu hafa verið farnar og tíu gótt komin á klippikortið skal kortinu skilað í íþróttamiðstöðina á Hvolsvelli. Dregið verður úr hópi þátttakenda föstudaginn 2. september og eru glæsilegir vinningar í boði að sögn Árnýjar.

„Það eru þó engar kvaðir um að allir þurfi að labba upp á topp eða einhverja langa leið, það er nóg að koma að göngusvæðinu og punkta kortið. Hugmyndin með þessum leik er að fjölskyldan geti gert eitthvað skemmtilegt saman, hreyft sig saman og verið úti í fallegri náttúru. Einnig að fólk kynni sér sveitarfélagið og hvað sé í

boði hér. Við sendum bæklinga og klippikort inn á hvert heimili hér í kring og erum með því að hvetja okkar fólk til að hreyfa sig og sjá hvað sveitarfélag þess hefur að bjóða. Að sjálfsögðu geta allir tekið þátt og getur fólk sem gistir hér í einhvern tíma, til dæmis á tjaldsvæðinu klárað þetta á nokkrum dögum. Það er frábær leið að taka til dæmis þrjá staði á dag, það er ekki langt á milli gönguleiðanna og þær eru allar hér á svipuðu svæði,“ lýsir Árný.

Ratleikurinn hófst nú í lok maí og honum lýkur þann 1. september.

Gönguleiðirnar í ratleiknum eru eftirfarandi:

1. Hvolfsfjall: 2 km ganga

Hvolfsfjall er 127 metra hátt fjall við Hvolsvöll og er auðvelt upp-göngu og hentar því vel fjölskyldu-fólki.

2. Flókastaðagil: 2,4 km ganga

Um er að ræða gönguleið sem er að mestu eftir kindagötum. Það er mjög skemmtilegt að ganga upp Flókastaðagil frá Breiðabólstað. Þetta er ekki erfiður gangur en ævintýrleg ferð að fara í með börn.

3. Tunguskógur: Mismunandi lengd eftir leiðum

Þetta er vinsæll útivistarstaður í Rangárbingi eystra. Hér hafa heimamenn ræktað upp allmikið skóglendi, lagt þar göngustíga og komið fyrir borðum og bekkjum. Þarna er fallett umhverfi, skjólsamt og mikið fuglalíf.

4. Gluggafoss: 1 km ganga

Stutt og auðveld ganga og hentar því fyrir alla fjölskylduna. Rétt fyrir innan Þorsteinslund, um 21 km frá Hvolsvelli, er fagur foss að nafni Gluggafoss. Hann er í Merkja, smáa sem merkir landa-



Ratleikurinn hófst í lok maí og honum lýkur 1. september.

skilin milli Hlíðarenda og Múla-kots.

5. Þríhyrningur: 7 km ganga

Þríhyrningur er 678 metrar á hæð og útsýni mjög gott til allra átta þaðan. Fjallið dregur nafn sitt af þremur hornum og á milli þeirra er dalur sem heitir Flosadalur. Eðlilegt er að gefa sér tvo til þrjá tíma í fjallgönguna.

6. Stóri-Dímon: 1 km ganga

Stóri-Dímon á sér systur sem er Litli-Dímon. Nafnið er talið koma úr latínu og merkja tví fjöll, eða tveir eins. Fjallið er 178 metra hátt og er það verðugt verkefni, bæði hjá börnum sem og fullorðnum, að klífra upp á Dímon.

7. Efra-Hvolshellarnir: 200 m ganga

Efra-Hvolshellarnir eru þrjár, tveir samliggjandi og einn stakur, sem

er talinn næstlengsti manngerði hellir á landinu, eitthvað nálægt 45 metra langur. Ekki er þó hægt að komast nema inn í einn þriðja af honum, vegna hruns á hlöðnu loftopi fyrir um 100 árum.


8. Rútshellir: Stutt ganga frá Þjóðvegi 1

Þetta er heljar hellir og ofan til í honum er afhellir með það hátt til lofts, að eins og sjá má af holum í vegg, þá hefur einhvern tíma verið sett upp í honum milligölf. Minjastofnun hefur unnið að varðveislu hellisins og er hann friðlýstur.

9. Völvuskógur: Mismunandi lengd eftir leiðum

Á Skógum eru ágætir göngustígar í Völvuskógi sem er fyrir ofan Héraðsskólann.

10. Nauthúsagil: Stutt ganga frá



Ratleikurinn gengur út á að ganga tíu ákveðnar gönguleiðir innan sveitarfélagsins.



Árný Lára Karvelsdóttir, markaðs- og kynningarfulltrúi Rangárbings eystra.

bilastæði og inn gilið.

Hægt er að ganga töluvert inn eftir giliinu ef menn eru tilbúnir að vaða eða stikla ána nokkrum sinnum. Það er vel þess virði því gilið á fáa sína líka.



„Starfsemin á Suðurlandi verður sameinuð undir einn hatt í næstu viku þegar ný einingaverksmiðja verður vígð,“ segir Stefán Logi Haraldsson, framkvæmdastjóri Límtrés Vírnets.

Ný framleiðsla á Flúðum

Límtré Vírnet er íslenskt iðnfyrirtæki sem framleiðir og selur gæðavörur fyrir byggingariðnaðinn á Íslandi. Starfsstöðvar fyrirtækisins eru nú á fjórum stöðum á landinu og byggja þær á áratuga löngum framleiðsluferlum. Starfsfólk fyrirtækisins hefur mikla starfsreynslu og kappkostar að veita viðskiptavinum sínum fljóta, góða og örugga þjónustu. Sameina á starfseminu á Suðurlandi undir einn hatt.

„Eins og staðan er í dag erum við með fjórar starfsstöðvar, þ.e. í Borgarnesi, Kópavogi og tvær á Suðurlandi, eina á Flúðum og eina í Reykholti í Bláskógabyggð,“ segir Stefán Logi Haraldsson, framkvæmdastjóri Límtrés Vírnets. „Á Flúðum er starfrækt eina íslenska límtrésverksmiðjan á landinu, þekkt fyrir gæði, áreiðanleika og góða þjónustu. Í Reykholti framleiðum við Yleiningar sem eru samlokueiningar með polyurethan eða steinull sem einangrun. Á þessum tveimur starfsstöðum á Suðurlandi starfa nú sjö starfsmenn í Reykholti og fjórtán starfsmenn á Flúðum.“

Starfsemin sameinuð á Flúðum

Starfsemin á Suðurlandi verður sameinuð undir einn hatt í næstu viku þegar ný einingaverksmiðja verður vígð þann 9. júní og ný framleiðslulínu fyrir steinullareiningar verður sett í gang. „Þar með verður öll starfsemi fyrirtækisins á Suðurlandi flutt á Flúðir og framleiðsla í verksmiðjunni í Reykholti verður lögð af. Starfsfólkið flyst yfir á Flúðir og verða því yfir tuttugu starfsmenn í framleiðslunni okkar þar,“ útskýrir hann.

Það sem gerist að sögn Stefáns með tilkomu nýrrar einingalínu, sem framleiðir einungis steinullareiningar á Flúðum, fæst ný vídd í utanhússklæðningar. „Það er alveg ljóst að með þessari nýju framleiðslutækni okkar á einingum opnum við okkur betri leið inn á markaðinn. Við verðum með mun betri gæði og vonandi samkeppnis-

færari í verði, á einingunum okkar, sem eiga þá að standast vel samanburð við alla þá innfluttu framleiðslu sem hefur verið hér á boðstólum.“

Aukin atvinnuuppbygging

Stefán segir fyrirtækið þá geta boðið þaklausnir sem eru tilbúnar einangraðar einingar og eins útteygjaeiningar. „Þannig eigum við meira erindi á almennan íbúðamarkað en það hafa verið reist nokkur íbúðahús á undanföllum árum úr þessum steinullareiningum sem við höfum framleitt. Það hefur þýtt að við höfum þurft að klæða það allt að utan til að fá almennilega veðurhlíf á húsið en með þessum nýju einingum getum við boðið upp á endanlega útfærslu. Þó verður einnig hægt að klæða húsið með hvaða efni sem fólk vill hvort sem það eru flísar, timburklæðningar eða annað,“ segir Stefán. Hann nefnir einnig að fyrirtækið geti áfram þjónustað markaðinn með polyurethan og fleiri einingum með því að flytja þær inn. „Límtrésburðarvirkið verður áfram á boðstólum fyrir allar gerðir bygginga og nú einnig í ríkari mæli fyrir einbýlishús.“

Starfsemin á Flúðum mun eflast töluvert við þessa breytingu að sögn Stefáns. „Límtré og Vírnet eru byggð á rótum iðnfyrirtækja sem voru byggð upp í þessum sveitarfélögum af heimamönnum og höfum við nýtt mannskap af þessum svæðum til starfa í starfsstöðvum okkar. Við horfum á þetta sem aukna atvinnuuppbyggingu á þessum svæðum auk þess að gera



Hér má sjá sjálfvirkan pökkunarbúnað fyrir nýju einingarnar.

okkur að frambærilegra þjónustufyrirtæki á byggingamarkaðnum á Íslandi.“

Ýmiss konar framleiðsla

Límtré Vírnet var stofnað í maí 2010 en forsaga þess nær til þess er Vírnet var stofnað í Borgarnesi árið 1956. Hinn anginn á fyrirtækinu er Límtré sem var stofnað 1982 á Flúðum og hóf framleiðslu ári síðar. „Leiðir fyrirtækjanna lágu fyrst saman þegar Límtré keypti Vírnet árið 2000 og síðan voru fyrirtækin formlega sameinuð árið 2004. Tveimur árum síðar var fyrirtækið keypt upp af BM Vallá en eftir að BM Vallá varð gjaldþrota árið 2010 var fyrirtækinu aftur skipt upp. Nýir eigendur keyptu svo Límtré Vírnet í lok árs 2010,“

lýsir Stefán.

Höfuðstöðvar fyrirtækisins eru í dag í Borgarnesi og þar vinnur meirihluti starfsfólksins eða 55 manns. Þar er framleitt valsað stál og ál til klæðninga utanhúss og innanhúss, ásamt framleiðslu á milliveggjastöðum úr stáli. Þar eru einnig framleiddir Vírnetsnaglar, landsþekkt gæðavara sem og ýmsar aðrar vörur úr stáli og áli. Í Borgarnesi eru einnig reknar þjónustueiningarnar, blikksmiðja, járnsmiðja og rafmagnsverkstæði.

Aðalsöludeild fyrirtækisins er starfrækt í Borgarnesi, en einnig er söludeild fyrir loftræstivörur á starfsstöð fyrirtækisins í Kópavogi, að Vesturvör 29. Einnig er þar innkaupadeild, fjármálastjóri og byggingadeild. Byggingadeildin

„Það er alveg ljóst að með þessari nýju framleiðslutækni okkar á einingum opnum við okkur betri leið inn á markaðinn. Við verðum með betri gæði og vonandi samkeppnisfærari í verðum, á einingunum okkar, sem eiga þá að standast vel samanburð við alla þá innfluttu framleiðslu sem hefur verið á boðstólum.“

Stefán Logi Haraldsson

er hönnunar- og söludeild sem veitir faglega ráðgjöf og selur lausnir fyrir byggjendur límtrés- og stálgrindahúsa, ásamt öðrum tilheyrandi lausnum. Í raun er byggingadeildin hálfgerð verkfræðistofa, þar fer fram útreikningur fyrir burðarþol límtréshúsa ásamt allri annarri hönnun húsa sem fyrirtækið framleiðir.

Þjart fram undan

„Límtré Vírnet velti á síðasta ári rétt um tveimur milljörðum og við sjáum fyrir okkur töluverðan uppgang fram undan í byggingariðnaði og að meira verði umleikis en verið hefur þannig að við reiknum með að velta fyrirtækisins eigi eftir að aukast töluvert á næstu árum.“



Bryndís með syni sínum Hreggviði og dætrunum tveimur, söngkonunum Guðbjörgu og Sessý, Magnúsarbornum.



Bryndís hefur gert kósi í kringum sig, enda leggur hún mikla áherslu á gestrisni.



Húsið við hafið hefur mikinn sjarma. Það stendur við sjóinn og býður upp á viðáttumikið útsýni.

Fékk ekki vinnu og bjó hana til

Bryndís Valgeirsdóttir ákvað að söðla um í lífinu eftir að hún varð atvinnulaus og opnaði heimagistingu á Stokkseyri. Bryndís, sem hafði alltaf búið í Reykjavík, segir að ákvörðunin hafi verið góð og hún sér ekki eftir að hafa látið þessa hugmynd verða að veruleika.

Bryndís starfaði við ferðaþjónustu en missti vinnuna eftir hrúnið. Hún segir að það hafi reynst erfið að fá vinnu á sínum aldri og þess vegna ákvað hún að skapa sér hana sjálf. „Ég gerði heldur betur breytingu á lífinu,“ segir hún. „Ég sá hús auglýst til sölu á Stokkseyri sem mér leist vel á. Það hentaði vel fyrir heimagistingu. Ég átti íbúð í Reykjavík sem ég seldi og keypti húsið. Síðan lét ég laga til herbergin, setti heitan pott og stækkaði veröndina. Ég gerði húsið huggulegt og fínt en

ég bý þar líka,“ segir Bryndís sem hóf framkvæmdir haustið 2014 og opnaði gistiheimilið vorið 2015. „Húsið stendur við sjóinn með gífurlega fallegu útsýni. Þess vegna gaf ég því nafnið Húsið við hafið,“ segir Bryndís. „Ég tengdi mig við Booking.com og fékk mjög góð viðbrögð. Strax náði ég að skapa mér góðan orðstír og er með 9,8 skor á bókunarvefnum. Það eru aðallega útlendingar sem dvelja hjá mér, fólk hvaðanæva úr heiminum, frá Evrópu, Bandaríkjunum, Suður-Ameríku og Kína. Stundum

koma heilu fjölskyldurnar og mér finnst einstaklega skemmtilegt að umgangast gestina.“ Bryndís segir að þrátt fyrir að mikil vinna fylgi heimagistingunni sé hún skemmtileg. „Ef maður ætlar að gera þetta vel er nauðsynlegt að vera alltaf til staðar. Ég fer snemma á fætur og útbý morgunverð, meðal annars baka ég allt brauð. Ég vil sinna gestunum vel því þá fær maður mikið þakklæti. Allir gestir mínir eru á bílaleigubílum og eru á leið í lengra ferðlag, Gullna hringinn,

til Víkur, að Jökulsárlóni og hringinn. Flestir eru hjá mér eina nótt en sumir eru lengur. Þetta fólk er búið að kortleggja ferðina sína mjög vel. Mér finnst mjög gott að búa á Stokkseyri. Frábært fólk og margt um að vera í bænum. Ferðaþjónustan er öflug og ýmis afþreying í boði. Góður veitingastaður er á staðnum, sundlaug og lista-söfn. Nýlega var mjög flott kaffihús opnað í bænum þannig að hér er líf og fjör. Frá Stokkseyri er hægt að fara í skemmtilegar

dagsferðir auk þess sem ströndin er skemmtileg.“ Bryndís segir að vissulega hafi verið viðbrigði að flytja úr borginni. „Mér finnst þetta samt góð tilbreyting. Ég sé ekki eftir því að hafa flutt,“ segir Bryndís sem á von á alls konar fólki í sumar frá hinum ýmsu löndum. „Það er ótrúlega skemmtilegt að vinna fyrir sjálfan sig. Mér finnst mjög gaman að rabba við gestina sem hafa mismunandi sýn á lífið og tilveruna. Þetta er gefandi starf,“ segir hún. elin@365.is

Gullnar sveitir og fjölbreytt menning

Hinn einstaki gullni hringur er meira en Þingvellir, Gullfoss og Geysir. Í uppsveitum Árnessýslu er margt fallegt og skemmtilegt að sjá. Fáfarnari leiðir hafa margar náttúruperlur í notalegu umhverfi. Á þessu svæði er sömuleiðis sannkölluð matarkista fyrir alla sælkera.

Að sögn Ásborgar Ó. Arnþórsdóttur, ferðamálafulltrúa uppsveita Árnessýslu, er ekki bara frábært að búa í sveitinni heldur er þar mjög gott mannlíf, fjölbreytt menning og alltaf eitthvað að gerast. „Íbúar njóta þess að vera í nánnum tengslum við náttúruna en búa jafnframt miðsvæðið og þess vegna stutt í allar áttir. Mikil gróska hefur verið í garðyrkju en ekki síður ferðaþjónustu í uppsveitum Árnessýslu,“ segir Ásborg.

Með bættum samgöngum hefur atvinnusvæðið stækkað en töluverð eftirspurn hefur verið eftir fólki í vinnu á þessu svæði. „Þetta er heitt svæði í víðum skilningi,“ segir Ásborg. „Hér er jarðhiti og hér er veðursæld. Við bjóðum upp á fjölsóttu ferðamannastaði en líka aðra fáfarnari sem eru mjög skemmtilegir. Þjónustufyrirtæki hafa sprottið upp og bjóða fjölbreytta afþreyingu fyrir allan aldur. Þar má nefna gönguleiðir, ferðamannafjós, golf, minigolf, frísbíggj, fótbolta, strandblak, sund, gufubað, náttúrulaug, litbolta, adrenalínagarð, útlífsmiðstöð, veiði, siglingar, jetbát, river rafting, fuglaskoðun, skóga, hesta, söfn, sýningar, vinnustofur listamanna, dýragarð, völuvarðhús, jeppaferðir, jöklaferðir, fjallgöngur, sveitabæi og garðyrkjustöðvar,“ segir Ásborg.

Uppsveitir Árnessýslu ná frá Þingvöllum að Þjórsá og langt inn á hálendið. Gistimöguleikar eru fjölbreyttir og frábær tjaldsvæði. Garðyrkjubændur í uppsveitum Árnessýslu luma á fjölbreyttri matvælaframleiðslu. Matarmarkaðir, grænmetistorg og girnilegar afurðir beint frá býli eru víða í boði. Veitingastaðir og kaffihús

MARGT ATHYGLISVERT AÐ GERAST Í SUMAR

Júní

11. Gullspretturinn á Laugarvatni, hlaup.
18. og 19. Uppsprettan í Árnesi, fjölskylduhátíð í Skeiða- og Gnúpverjahreppi.

Júlí

9. KIA Gullhringurinn á Laugarvatni, hjólakeppni.

Ágúst

30.7. til 1.8. Verslunarmannahelgin, dagskrá víða um sveitir.
6. Grímsævintýri, hátíð á Borg, Grímsnesi.
13. Tvær úr Tungunum, sveitahátíð í Reykholti, Bláskógabyggð.
13. Uppsveitahringurinn 2016, hlaupið og hjólað.

September

3. Uppskeruhátíð á Flúðum og nágrenni.

eru mörg með sérstöðu þar sem notuð eru hráefni úr nærumhverfinu. Mörg veitingahús bjóða upp á matarupplifun og fræðslu.

Á Sólheimum í Grímsnesi er Menningarveisla allt sumarið. Gönguferðir með leiðsögn í Hrunamannahreppi. Þingvallabjörggarður með fræðslugöngur. Sumartónleikar í Skálholti og Skálholtshátíð. Einnig eru ferðaþjónustuaðilar duglegir að bjóða upp á alls kyns upptökur. Ásborg segir að allir séu innilega velkomnir til lengri eða skemmi dvalar.


Allar upplýsingar um þjónustu og fréttir á www.sveitir.is



Uppsveitir Árnessýslu luma á mörgum fallegum náttúruperlum sem gaman er að sjá.



Gullni hringurinn er í Árnessýslu.



Jöklaferðir eru vinsælar hjá ferðamönnum.



Rjómbúíð á Baugsstöðum var starfrækt frá 1905 til 1952. MYND/HUSID.COM



Hekla er eitt frægasta eldfjall Íslands. Henni eru gerð skil á Heklusetrinu á Leirubakka. MYND/VILHELM



Byggðasafnið á Skógum er gaman að heimsækja. MYND/VILHELM

Söfn á Suðurlandi

Fjölda áhugaverðra safna og setra er að finna víða um Suðurland. Á vefsíðunni south.is, er að finna lista yfir söfn og afþreyingu fyrir ferðalanga sem vilja upplifa Suðurland. Rjómbú og skákmennning er meðal þess sem hægt er að skoða.

● Rjómbúíð á Baugsstöðum var sett á laggirnar af bændum úr nærsveitum Stokkseyrar árið 1904. Vinnsla hófst árið eftir en sérstakt hús til vinnslunnar var reist við Baugsstaðaá. Vélarnar voru knúnar með vatni sem leitt var í 1.500 metra löngum skurði frá Hóla-vatni. Rjómbúíð var starfrækt til ársins 1952, lengst allra rjómbúa á landinu. Búíð framleiddi meðal annars smjör og ost sem flutt var að mestum hluta á erlendan mark-

að. Margrét Júnísdóttir stýrði rjómbúinu síðustu árin og sá til þess, ásamt Guðrínu Andrésdóttur, að áhöldum og húsi var haldið við. Rjómbúíð hefur verið opið almenningi frá 1975 og er opið laugardaga og sunnudaga í júlí og ágúst. www.husid.com

● Fischersetrið á Selfossi heldur utan um sögu skákmeistarans Bobby Fischer og tengsl hans við Ísland. Þar er aðstaða til að tefla og halda skákmót og einnig bóka-

safn um skákíþróttina. Myndir og munir tengd skákeinvígi aldarinnar sem haldið var í Reykjavík 1972 fylla góðan hluta safnsins og myndir frá síðustu árum Fischers sem íslensks ríkisborgara. Safnið er opið alla daga milli klukkan 13 til 16. www.fischeretur.is

● Heklusetur er til húsa á Leirubakka. Þar er mikinn fróðleik að finna um Heklu og Hekluelda, meðal annars kvikmyndir frá elds-umbrotum á 20. öld. Hekla er gjarn-

an nefnd „drottning íslenskra eldfjalla“ og er eitt virkasta og þekktasta eldfjall landsins. Fyrr á öldum var hún talin inngangur helvítis og hefur jafnan mikil hjátrú tengst Heklu. Heklusetur er opið alla daga allt árið. www.sudurland.is

● Byggðasafnið í Skógum var sett á laggirnar af Þórði Tómassyni árið 1949. Fyrstu árin voru munir safnsins sýndir í kennslustofum héraðsskólans á Skógum á sumrin en eftir því sem munum í eign

safnsins fjölgaði dugði það ekki til. Árið 1955 var risið safnhús á staðnum. Uppbygging á gömlum bæjarhúsum á staðnum hófst og árið 1968 var fyrsta húsið flutt í Skóga. Fleiri hús voru flutt úr Rangárþingi og Vestur- Skaftafellssýslu og endurbýggð í Skógum. Árið 2002 var reist 1.510 fermetra stórt hús undir Samgöngusafnið sem er hluti af Skógasafni og sýnir sögu samgangna og tækni á Íslandi. www.skogasafn.is



Eldfjalla- og jarðskjálftamiðstöðin á Hvolsvelli mun setja skemmtilegan svip á umhverfið og bjóða upp á fróðlega skemmtun.

Hrikaleg náttúruöfl

Eldfjalla- og jarðskjálftamiðstöð verður opnuð á Hvolsvelli á næsta ári þar sem upplifanir og gagnvirkar sýningar verða í forgrunni. Búist er við fjölda gesta.

Á næsta ári verður opnuð glæsileg afþreyingar- og upplifunarmiðstöð á Hvolsvelli sem mun bera heitið LAVA – Eldfjalla- og jarðskjálftamiðstöð Íslands (Iceland Volcano & Earthquake Center). Miðstöðin verður helguð þeim gríðarlegu náttúruöflum sem hófu að skapa Ísland fyrir nærri 20 milljón árum og eru enn að, segir Ásbjörn Björgvinsson, framkvæmdastjóri LAVA. „Miðstöðin verður nokkurs konar gluggi inn í nýstofnaðan jarðvang sem ber heitið Katla Geopark ásamt því að vera alhliða upplýsinga- og þjónustumiðstöð fyrir ferðamenn. Þar munu gestir ekki aðeins upplifa náttúruöflin með gagnvirkum og lifandi hætti heldur einnig tengjast náttúrunni sem við þeim blasir ofan af þaki hússins, t.d. Eyjafjallajökli, Tindfjöllum, Kötlu, Heklu og Vestmannaeyjum.“

Upplýsingamiðlun og fræðsla á staðnum er unnin í samvinnu og samstarfi við Ara Trausta Guðmundsson, Gagarín, Væðurstofu Íslands og háskólasamfélagið og segir Ásbjörn stefnt á að bjóða upp á sérstakt fræðsluprógramm fyrir jarðvísindanema og jarðfræðinga seinna meir í þeim tilgangi að miðla þekkingu sinni til ferðamanna og almennings. „Upplifunin og gagnvirkar sýningar LAVA verða þó helsta aðráttar-



Ásbjörn Björgvinsson, framkvæmdastjóri LAVA.

aflið fyrir ferðamenn. Samhliða þeim verður einnig boðið upp á fyrirlestraadstöðu og kvikmyndir um eldgos og náttúru Íslands auk sölu- og upplýsingamiðstöðvar fyrir þá ferðþjónustu sem er í boði um allt Suðurlandið. Í húsinu verður einnig stór veitingastaður og vegleg verslun Rammagerðarinnar og 66°Norður.“

Mikill vöxtur hefur verið í komu ferðamanna til Suðurlands undanfarið ár og er Ásbjörn bjartsýnn á þróun næstu ára. „Hér hefur aukningin verið hvað hröðust undanfarið ár. Á síðasta ári fóru gegnum Hvolsvöll um 900.000 ferðamenn en um 770.000 árinu áður. Við erum því bjartsýnnir á næstu ár og teljum að

LAVA eigi eftir að verða vinsæll viðkomustaður, bæði meðal erlendra og innlendra ferðamanna um ókomin ár.“

Reynslumikið teymi stendur að baki verkefninu en stærsti einstaki hluthafinn í LAVA er Iceland Tourism Fund. Stofnendur LAVA eru þekktir aðilar í íslensku athafnalífi, þeir Skúli Gunnar Sigfússon og Sigmar Vilhjálmsson. Auk þess hefur Norðurflug, Eimskipafélagið, Þingvangur og Kynnisferðir staðfest aðkomu sína að verkefninu.

Hægt er að fylgjast með byggingu afþreyingar- og upplifunarmiðstöðvarinnar LAVA á Facebook (Lava).



Rangárþing eystra

Fjölbreytt og lifandi samfélag

NÁTTÚRUFEGURD ~ AFÞREYING ~ MENNING



Gæði og gestrisni

Árnes / Borg / Brautarholt / Flúðir
Laugarás / Laugarvatn / Reykholt / Sólheimar



www.south.is

www.sveitir.is

Taka vel á móti gestum

Blómabærinn Hveragerði er vinsæll áningarstaður ferðamanna en þar má finna einstakar náttúru- og útivistarperlur. Hátíðahöld munu setja svip sinn á bæjarlífið í sumar en bærinn fagnar sjötíu ára afmæli í ár með fjölbreyttum viðburðum.

„Það verður mikið um að vera hjá okkur í sumar en fyrir utan tvær hátíðir sem eru fastir liðir á sumrin, fagnar Hveragerði 70 ára afmæli í ár með viðburðum út árið.“ segir Jóhanna Margrét Hjartardóttir, menningar- og frístunda-fulltrúi Hveragerðis.

Blóm í bæ

„Garðyrkju- og blómasýningin Blóm í bæ verður haldin dagana 24.-26. júní. Sýningin er helguð gróðri og görðum og hefur umhverfissvið bæjarins veg og vanda af skipulagi hennar. Þemað í ár er blóm og gróður í 70 ár og verður meðal annars vegleg sögusýning blómanna í íþróttahúsi bæjarins þar sem rýnt verður í tengsl gróðurs af ýmsu tagi við líf Íslendinga í gegnum árin.“

Blómstrandi dagar

„Blómstrandi dagar verður haldin dagana 11. til 14. ágúst með ýmiss konar uppákomum. Bæjarbúar taka virkan þátt í hátíðinni með því að skreyta hverfin sín og garða, blásið er til bílskúrmarkaða og gallería þar sem fólk sýnir málverk og handverk. Fjöldi tónlistarviðburða fer fram á Blómstrandi dögum og er hápunkturinn brekkusöngur og brenna. Þá er heilsutengd dagskrá fyrir allan aldur í bænum en Blómstrandi dagar eru fjölskyldu-, menningar- og heilsuhátíð án áfengis.“

70 ára afmæli fagnað

Bærinn verður 70 ára í ár og við fögnum því allt árið með ýmsum viðburðum. Til dæmis má nefna Skógardaginn, 12. júní en þá fer fram dagskrá sem tengist skógrækt í samvinnu við skógræktarfélag bæjarins og Garðyrkjufélag Íslands. Um jólin verðum við með hátíðina Jól í bæ með fjölbreyttum viðburðum. Jólagluggadagatalið á fastan sss í jólaundirbúningnum en þjónustufyrirtæki og stofnanir bæjarins skreyta glugga sem eru opnaðir alla daga í desember til jóla. Hápunktur jólahátíðarinnar í ár verða tónleikar með Páli Óskari og Moniku 1. des í Hveragerðiskirkju og þá halda kórarnir í bænum aðventustundir og tónleika í desember.“



Það er líf og fjör á bæjarhátíðum Hveragerðis.



Sundlaugin Laugaskarði MYND/HVERAGERÐI



Skreyting á Blóm í bæ.

Heilsusamleg sundlaug og sýningar

Sundlaugin í Laugaskarði laðar að sér fjölda baðgesta og þá eru víða volgar laugar og litrík hverasvæði í Reykjadal sem áhugafólk um útivist ætti ekki að láta fram hjá sér fara á ferð sinni um Hveragerði. Gaman er að stoppa í Listasafni Árnesinga sem er framsækið lista-



Mannlíf á Fossflötinni á Blómstrandi dögum.

safn sem setur árlega upp fjölda metnaðarfullra sýninga. Einnig eru sýningar í Bókasafni bæjarins í Sunnumörk.



Gömul og falleg hús á Eyrarbakka eru vinsælt myndefni ferðamanna. MYND/JÓHANN WAAGE

Gengið um Stokkseyrarbakka

Eyrarbakki og Stokkseyri hafa löngum verið vinsæl þorp fyrir innlenda og erlenda ferðamenn. Gömlu kotin í Skúmsstaðahverfi á Eyrarbakka frá seinni hluta nítjándu aldar og byrjun þeirrar tuttugustu eru vinsælt myndefni líkt og Húsið, sem er elsta timburhús landsins.

Siggeir Ingólfsson er manna fróðastur um þetta svæði. Hann hefur undanfarin ár séð um ferðamiðstöð í Stað, félagsheimili Bakkans, þar sem hann hefur veitt upplýsingar um Eyrarbakka, Stokkseyri og nærliggjandi svæði.

Siggeir, sem hefur mikla reynslu í að leiðsejga ferðamönnum um hið sögufræga strand-

svæði, hefur einnig boðið upp á mislangar skoðunarferðir þar sem hann eys úr viskubrunni sínum. Til dæmis hefur verið vinsælt tuttugu mínútna ganga um Eyrarbakka sem liggur um vesturbakkann frá Vesturbúð að Húsinu, byggðasafni Árnesinga og þaðan austur eftir sjógarðinum að gamla slippsvæðinu og loks niður í Gjárhverfi. Hann hefur einnig leitt hópa um Stokkseyri og jafnvel gengið á milli þorpanna tveggja.

Þeir sem vilja vita meira geta haft samband við Siggeir í síma 898-4240 eða í netfanginu siggeiri@simnet.is.

„Sundlaugin í Laugaskarði er besta sundlaug í heimi“ *

Opið frá 17. maí – 15. ágúst

Mánudaga - föstudaga kl. 06:45 - 20:15
Helgar kl. 10:00 - 18:45

sjáumst í sundi

*segir Steini Aðalsteins sem kemur reglulega frá Hafnarlífi til að njóta sundlaugarinnar í Laugaskarði

Hafið Bláa
útsýnis- & veitingastaður
verid velkomin

483-1000 • hafidblaa.is
Óseyrartanga við ósa
Ólfusá, 816 Þorlákshöfn
opið kl 11-21 alla daga

rauða húsið
restaurant Eyrarbakka

483-3330 • raudahusid.is
Búðarstíg 4, 820 Eyrarbakka
opið alla daga
11:30-21/22:00

Stofnaði bleikjueldi í heimahögum

Drífa Bjarnadóttir sneri heim til Víkur í Mýrdal eftir fjórtán ára búsetu í Reykjavík. Hún hefur nú byggt upp sitt eigið bleikjueldi, Lindarfisk, á ættarjörð móður sinnar í Botnum. Hún hefur byggt einbýlishús utan um fjölskyldu sína auk fiskbúðar og fiskvinnsluhúss í Vík.

Drífa er fædd og uppalin í Vík en flutti eins og svo mörg ungmenni til Reykjavíkur sextán ára gömul til að fara í menntaskóla. Eftir útskrift fór Drífa í líffræði í HÍ og í framhaldinu lærði hún fiskeldisfræði. Í Reykjavík bjó hún í fjórtán ár, kynntist eiginmanni sínum og eignaðist þrjú börn, en þá stefndi hugurinn heim. „Mig langaði til að börnin hefðu þetta frelsi sem ég hafði þegar ég ólst upp,“ segir Drífa. Ákvörðunin var þó stór enda var Árni, eiginmaður hennar, ekki mjög spenntur. „Hann starfaði í bænum og kom til okkar um helgar,“ segir Drífa en þau hjónin voru í fjarbúð í sjö ár. „Það gekk ótrúlega vel en ég er voða fegin að vera búin að fá hann heim,“ segir hún glaðlega.

Eigin herra

Drífa vann fyrst um sinn í fiskeldinu hjá Klausturbleikju við Kirkjubæjarklaustur. „Þetta voru langir dagar en á þeim tíma bjuggum við inni á þabba og mömmu og vorum með au þair, þannig að krakkarnir höfðu gott bakland.“ Eftir nokkur ár ákvað Drífa að fara út í eigin rekstur. „Ég er þannig hönnuð að ég þarf að fá að stjórna hlutunum sjálf,“ segir hún glettin en úr varð að Drífa ásamt foreldrum sínum, eiginmanni og systur stofnaði Lindarfisk og hóf uppbyggingu bleikjueldis á ættarjörð móður sinnar, Botnum, um 60 km austan við Vík.

Byggt upp án lána

„Mesta náttúruauðlindin í Botnum er kalt lindarvatn og því er þetta tilvalinn staður fyrir bleikjueldi,“ segir Drífa en markmiðið var alltaf að byggja upp án lána. „Við fengum notuð ker sem við löppuðum upp á. Við notuðum gáma sem við skárum í sundur sem langstraumsrennur, en í sumar ætlum við að steypa almennilegar rennur,“ upplýsir Drífa og bætir við að í sumar verði í fyrsta sinn almennileg framleiðsla hjá Lindarfiski.

Bleikjan sem Lindarfiskur ræktar er Hólableikja. „Þetta er kynbætt bleikja frá kynbótastöðinni á Hólum í Hjaltadal. Hún er þægileg í meðförum, stinn og fín, sjúkdómabolin og fer seint í kynþroska.“

Hjá Lindarfiski er bleikjan ávallt ræktuð frá hrognum en fyrstu hrognin bárust árið 2011.

Byggt hús með útsýni

Drífa er ekki hrædd við að prófa nýja hluti. Þannig tók hún sjálf fullan þátt í að byggja einbýlishús fjölskyldunnar sem stendur í sömu línu

og Víkurkirkja með magnað útsýni til sjávar. „Ég vissi ekkert hvað ég var að gera til að byrja með og gerði bara það sem smiðirnir sögðu. En ég held ég hafi verið orðin þökkaleg þegar við kláruðum húsið,“ segir hún glettin.

Fiskbúð í Vík

Framkvæmdagleðin er allsráðandi og næsta verkefni Drífu var að byggja fiskvinnsluhús vestast í þorpinu þar sem hún rekur einnig fiskbúðina Lindarfisk sem er opin einu sinni í viku og selur eigin bleikju auk fersks fiskis sem hún fær frá fiskmarkaðnum á Höfn.

„Húsið er í raun tveir frystigámar sem við settum saman og rifum milliveggina úr. Ég er mjög ánægð með árangurinn,“ segir hún. Innt eftir næstu verkefnum segir hún af hægt að taka. „Það þarf að byggja meira fyrir fiskeldið, seiðahús, aðstöðuhús og yfir öll kerin,“ segir hún en þessu mun hún sinna meðfram öllum öðrum skyldum en þess má geta að Drífa og systir hennar eru orðnir fullgildir meðlimir í slökkviliði staðarins. solveig@365.is



Fiskbúðin Lindarfiskur er vestast í þorpinu og aðeins opin í tvo tíma á þriðjudögum.



Holan er þetta glæsilega hús kallað enda var það lengi vel ekki annað. Útsýnið þaðan er glæsilegt.

Fjögurra stjörnu hótél í útivistarparadís

Fosshótél Jökulsárlón á Hnappavöllum í Örfasveit er fyrsta fjögurra stjörnu hótelið sem opnað er á landsbyggðinni. Hnappavellir eru á milli Skaftafells og Jökulsárlóns. Svæðið er eitt vinsælasta göngusvæði landsins með yfir hundrað gönguleiðir og stórkostlegt útsýni.

„Við erum að leggja lokahönd á hótelið en fyrstu gestirnir eru væntanlegir í næstu viku,“ segir Óskar Finnsson, framkvæmdastjóri rekstrarsviðs Íslandshótel, en Fosshótél Jökulsárlón bætist í hóp þeirra átján hótela sem Íslandshótél reka um allt land eins og Grand Hótél, Best Western, Centrum, Hótél Stykkishólm og Hótél Hellna.

Í nýja hótelinu eru 104 herbergi og þar af eru 4 stórglæsilegar svítur búnar öllum þægindum. Óskar segir ekkert til sparað í glæsilegri hönnun og aðbúnaði til að upplifun gesta verði sem best. Hönnun hefur verið í höndum framúrskarandi arkitekta, Bjarni Snæbjörnsson hannaði hótelið og Leifur Welding sá um veitingasalina, barsvæðið og móttökuna.

„Við bjóðum upp á sána og gufubað þar sem hægt er að slaka á. Við vildum frekar leggja áherslu á sánað en líkamsræktarsal. Okkur fannst ekki samræmast náttúrufergurðinni hér í kring að hlaupa innilokuð á hlaupabretti,“ segir Óskar en Hnappavellir eru eitt vinsælasta útivistarsvæði landsins. „Þetta er unaðslegur staður að vera á og upplifun út af fyrir sig.“

Uppbygging hótelsins er unnin í góðri samvinnu við sveitarfélagið og segir Óskar starfseminu lyftistöng fyrir sveitina.

„Hótelið er opið allt árið og við bjóðum upp á mjög fjölbreytt hádegisverðarhlaðborð og à la carte seðil á kvöldin að hætti Sævars Karls matreiðslumeistara. Það er algjörlega þess virði fyrir Íslendinga sem eru á ferðinni að koma við og fá sér að borða og slaka aðeins á áður en lengra er haldið. Markmiðið er að hótelið verði ekki eingöngu stoppistöð erlendra ferðamanna heldur nýti Íslend-



Pau Unnur Eva Arnarsdóttir hótélstýra og Sævar Karl Kristinsson matreiðslumeistari reka hótelið.

Markmiðið er að hótelið verði ekki eingöngu stoppistöð erlendra ferðamanna heldur nýti Íslendingar sér aðstöðuna. Óskar Finnsson

ingar sér aðstöðuna. Lofthæðin á móttöku- og barsvæðinu er einstök með 140 loftljósum frá Tom Dixon og 3 metra háum ljósmyndum af Jökulsárlóni.

Þau Unnur Eva Arnarsdóttir, hótélstýra og Sævar Karl Kristinsson matreiðslumeistari reka hótelið. Þau eru rétt rúmlega þrítug hjón og flytja búferlum frá Reykjavík í sveitina, með fjögur börn. Reyndar hafa fleiri fjölskyldur flutt á svæðið til að taka þátt í þessu ævintýri og skilst mér að fjöldi barna í leikskólanum hér hafi tvöfaldast,“ segir Óskar. „Unnur hefur unnið við þjónustu á veitingastöðum og er með mastersgráðu í mannaútsjónun og Sævar er þungavigtarkokkur, sem unnið hefur á veitingastöðum eins og Kolabrutinni, Fjalakettinum og Sjávarkjallaranum.“



Hnappavellir eru eitt vinsælasta útivistarsvæði landsins og hefur ekkert verið til sparað við hönnun hótelsins og aðbúnað við gesti. MYNDIR/FOSSHÓTEL



Í hótelinu eru hundrað og fjögur herbergi og þar af fjórar stórglæsilegar svítur.



„Hótelið er opið allt árið og við bjóðum upp á mjög fjölbreytt hádegisverðarhlaðborð og à la carte seðil á kvöldin að hætti Sævars Karls matreiðslumeistara.“

Gönguferðir í stórkostlegri náttúru

Skaftafell er hluti af Vatnajökulsþjóðgarði og ein af fallegustu náttúruperlum þjóðarinnar. Þar má finna fjölda skemmtilegra og mislangra gönguleiða við allra hæfi innan um falleg fjöll og jökla, einstaka náttúrufergurð og sjálfan Svartafoss, helsta aðráttarafi garðsins.

Skaftafell í Vatnajökulsþjóðgarði er einstök náttúruperla sem gaman er að heimsækja, sérstaklega yfir sumartímann. Auk stórbrotins landslags má finna þar fjölmargar skemmtilegar gönguleiðir þar sem allir ættu að finna eitthvað við sitt hæfi að sögn Hrafnhildar Ævarsdóttur, sérfræðings hjá Skaftafellsstofu Vatnajökulsþjóðgarðs. „Gönguleiðirnar eru mjög fjölbreyttar og umvafðar einstakri náttúrufergurð. Hér er fjölskrúðugt fuglalíf og í garðinum vaxa yfir 250 háplöntutegundir.“

Hún segir fjallasýnina mikilfenglega og auðvelt sé að komast að fallegum útsýnisstöðum með því að fylgja gönguleiðum. „Á góðum degi er falleg fjallasýn af Skaftafellsheiði með útsýni yfir tinda og skriðjökla Vatnajökuls, Skaftafellsfjöll og Lómagnúp svo eitthvað sé nefnt. Ef heppni er með er hægt að rekast á refi sem eiga ódal í Skaftafellsheiðinni.“

Á vef Vatnajökulsþjóðgarðsins má finna kort og upplýsingar um margar gönguleiðir í Skaftafelli og fleiri hlutum þjóðgarðsins. „Stysta og auðveldasta leiðin inn að Skaftafellsjökli er svokölluð Jökullslóð (S1) en hún tekur um klukkutíma. Leiðin er að hluta til malbikuð og því aðgengileg hjólastólum og vögnum. Á leiðinni er hægt að sjá merktu staura en þeir



Ægifagur Svartafoss er vinsæll áfangastaður MYND/KOLBRÚN ÞORSTEINSDÓTTIR

vísa til upplýsingabæklings sem hægt er að nálgast í gestastofu.“

Vinsælasta gönguleiðin að sögn Hrafnhildar er leiðin um Svartafoss, Sjónarsker og Sel (S2). „Þar sér göngufólk m.a. Svartafoss sem er stjarnan okkar hér í Skaftafelli. Þessi leið sameinar náttúrufergurð og menningarminjar en á leiðinni koma gestir að torfbænum Seli sem hægt er að skoða að innan.“

Margt að sjá

Fyrir þá sem eiga erfitt með að ganga upp eða niður í móti er leiðin inn að Bæjarstaðarskógi (M1)

að mestu slétt og því auðveldari yfirferðar en aðrar lengri göngur á svæðinu. „Hana má einnig hjóla en margir fjallagarpar hjóla inn að Bæjarstaðarskógi og ganga síðan á Blátind en það er fremur erfið ganga. M1 er 13 km löng og tekur um fimm klukkustundir en eftir ferðalag í gegnum lúpínubreiðu er leiðarendinn fallegur skógur með hæstu birkitrjám landsins.“

Fyrir göngufólk sem sækist eftir lengri göngu, sem þó er ekki erfið, er gangan inn í Morsárdal (M2) góður kostur að sögn Hrafnhildar. „Hún er ekki eins fjölfar-



Hrafnhildur Ævarsdóttir, á toppi Kristínartinda.

in og getur göngufólk upplifað kyrrðina í nálægð við Morsárjökul sem drynur öðru hvoru í. Þetta er ein af mínum uppáhaldsgönguleiðum en ég segi gjarnan að þú standir ofan í útsýninu af Kristínartindum en þaðan er meðal annars hægt að sjá ofan í Morsárdal.“

Að lokum nefnir Hrafnhildur langa dagsferð um Skaftafellsheiðina (S3). „Þetta er vinsæl ganga, rúmlega 15 km að lengd og tekur um 5-6 klukkustundir. Á henni er hægt að sjá mikilfenglegt útsýni og jarðmyndanir. Margir gönguhópar leggja leið sína um heiðina ár hvert og er

ekki að undra þegar útsýnir blasir við. Af þessari leið er einnig hægt að ganga upp á Kristínartinda en sú leið er flokkuð sem erfið og því ekki fyrir alla. Þeir sem bróta upp hafa þó erindi sem erfiði og standa á tindi sem var skorinn út af jökulum, Morsárjökli í vestri og Skaftafellsjökli í austri.“

Auk fyrrnefndra gönguleiða má finna fleiri leiðir á vef þjóðgarðsins. Nánari upplýsingar má finna á www.vatnajokulstjodgardur.is auk þess sem starfsfólk gestastofu Skaftafells er alltaf tilbúið að fræða gesti betur um gönguleiðirnar.



Fólkið sem stendur að baki Midgard Adventure.

Hvolsvöllur verði miðstöð ævintýraferðamennsku

Midgard Adventure er ferðaskrifstofa og ferðaskipuleggjandi á Hvolsvelli. Fyrirtækið, sem samanstendur af nokkrum vinum og fjölskyldum þeirra, hefur vaxið og dafnað. Stefnt er að því að ljúka byggingu hostels í byrjun næsta árs.

Midgard Adventure var stofnað árið 2010 af þremur vinum og föður eins þeirra. Síðar hafa fleiri vinir og fjölskyldumeðlimir bæst í hópinn líkt og Björg Árnadóttir, framkvæmdastjóri fyrirtækisins, sem er jafnframt móðir eins eigendanna. „Strákarnir höfðu allir flutt burtu í nám en sneru aftur til að byggja upp þetta fyrirtæki í heimabyggð“, upplýsir Björg.

Í upphafi var Midgard Adventures ferðaskipuleggjandi sem bauð upp á dagsferðir inn á hálendið. Fyrir nokkrum árum fékk fyrirtækið ferðaskrifstofuleyfi og nú er boðið upp á lengri ferðir sérsniðnar að óskum fólks. „Sérstaða okkar felst í vísni að ævintýraferðamennsku“, segir Björg

en hjá fyrirtækinu starfa 11 fastir starfsmenn en mest um 16 á sumrin.

Þjónustan er persónuleg. „Við búum öll hér á Suðurlandinu og það kemur oft fyrir að við bjóðum fólki bara í mat heim ef eitthvað kemur upp á og höfum jafnvel haldið afmælisveislu fyrir fólk sem er veðurteppt“, segir hún glaðlega.

Íslenskir fyrirtækjahópar

Langstærstur hluti gestanna er erlendur en Midgard Adventure tekur einnig á móti stórum fyrirtækjahópum. „Þá förum við til dæmis inn í Þórsmörk í hóp efli, leiki og ævintýri. Þeir sem það kjósa geta jafnvel verið með

vinnubúðir eða haldið fundi í bílunum á leiðinni inn í Þórsmörk.“

Nýtt hostel

Midgard Adventure stendur fyrir byggingu 45 rúma hostels á Hvolsvelli sem verður tilbúið í mars á næsta ári. „Við eigum okkur þann draum að gera Hvolsvöll að miðstöð ævintýraferðamennsku. Hér er inngangurinn að miklu eldfjallasvæði. Hér er Katla geopark og Eldfjallasetrið verður opnað á næsta ári. Hingað getur fólk komið og dvalist í nokkra daga og gert eitthvað nýtt á hverjum degi, hjólað, farið í jeppaferðir, veitt og gengið.“

Nánari upplýsingar má finna á www.midgardadventure.is.



Bobby Fischer Center, Austurvegur 21, Selfoss

Lat 63.9374778
Long -20.999649

Opið: 13:00 – 16:00
Frá 15. maí til 15. sept.

Aðgangseyrir: 1000 kr fyrir fullorðna en fritt fyrir 14 ára og yngri.

Gröf Fischers er í Laugardælakirkjugarði sem er í um 2 km fjarlægð.

www.fischersetur.is
e-mail: fischerstur@gmail.com



VIÐ
OPNUM
Í JÚNÍ!

★★★★ HEILSÁRSHÓTEL VIÐ RÆTUR ÖRÆFAJÖKULS

104 HERBERGI OG GLÆSILEGUR VEITINGASTAÐUR

Fosshótel opnar í júní fjögurra stjörnu heilsárhótel á Hnappavöllum, milli Skaftafells og Jökulsárlóns. Kjörrið fyrir göngu- og útivistarfólk enda úr meira en hundrað gönguleiðum að velja og stórfenglegt útsýni til allra átta.

Þöntonarsími 562 4000
eða glacier@fosshotel.is

FOSSHOTEL
GLACIER LAGOON